



UPA 2014/71
Michael Rosing

**Kalaallit oqaasiisa takornartat oqaasiisut ilinnialernissaannut qanoq iliorluta
inersimasunik kajumissuseqalersitsinissarput pillugu apeqquteqaat allaavigalugu
oqallinnissamik siunnersuut.**

(Inatsisartunut ilaasortaq Andreas Uldum, Demokraatit)

Kalaallisut ilinniartitsineq eqqartuleraangatsigu taava eqqarsarluaqqaartariaqarpoq. Nukiit annikipput aamma eqqarsaatigilluartariaqarparput qanoq pitsaanerpaamik atorsinnaanerlugin.

Nukiit eqqartoraangatsigit aningaasat pikkajuttarpagut. Uanili aningaasat kisimik pineqanngillat. Ilinniartitsisussat killeqarput, kalaallisut ilinniartitsisinnaasut. Ilisimatusnarnermut nukiit annikitsuinnaappoq, paasiniarlugu qanoq pitsaanerpaamik ilinniartitsisoqarsinnaanersoq aamma aap aningaasat atugassat killeqarput.

Ullumikkut nukiit amerlanersaat atorneqartarput iluaqutaannginnerpaanut. Naatsumik oqaatigalugu nukippasuit atortarpagut danskit kalaallisut ilinniartinniarlugin. Nukiit atortariaqarluarpagut kalaallinik kalaallisut ilinniartitsinermut. Kalaallit immikkoortut pingasuupput kalaallisut ilinniartitsinermi atuiffiusariaqarluartut. Eqimattat uanga ilaaffigisakka, kalaallit danskisuinnangajak oqaluttut, kalaallit kalaallisut oqaluttut, oqaatsilli sananeqaataannut ilinniarunik iluaqutissarsissunneqarsinnaasut kiisalu kalaallisut oqaasillit kalaallit, kalaallisut ilinniartitserusuttut.

Eqimattat ulluinnarni atorneqarsinnaasumik kalaallisut ilikkapallassinnaasut, ilaaffigaakka. Kalaallit kalaallit oqaasiisa annersaannik paasisinnaasut, kalaallisulli oqalussinnaanngitsut. Ikiorluarneqarnissarput pisariaqartipparput ingerlaqqinniarutta, kisianni sakkut atugassagut ineriartortinneqarnikuunngillat neqeroorutigineqartartullu ikittuinnaapput. Uanga nammineq ingerlaqqinnissannut ikiorluarneqarnikuuvunga, oqaatigissavarali uanga ilinniarnera inuinnartut ingerlakkakku, pisortat uanga pisariaqartitannik neqeroorsinnaanngimmata.

Kalaallit eqimattat tulliit, immikkut iliuuseqarnikkut iluaquserneqarsinnaasut, tassaapput kalaallit arlaannik pissuteqarlutik kalaallit oqaasiisa grammatickianik iluamik ilinniarsimannngitsut, pitsaasumilli kalaallisut allassinnaasut oqalussinnaasullu.

Eqimattat pingajui, kalaallisut ilinniartitsisuulersussanit immikkut suliniarfigisariaqarput. Kalaallisut oqaatsit grammatickiant ilikkartariaqarpoq kalaallisut ilinniartitsissagaanni. Taamaattumik pisariaqarluinnaqqissaarpoq oqaatsinik ilinniartitsisuni kinguariit tulliisa kalaallit oqaasiisa grammatickianik ilinniartilluarneqarnissaat.

Nalungilara oqaatsit pillugit oqallinnermi kanngiffiusartoq mannakkut ilinniartitseriaatsip qanoq pitsaatigineranik ilisimasaqannginneq. Taamaattumik 2014-mi ukiakkut ataatsimiilerutta siunnersuutiginiarpara maannakkut ilinniartitseriaatsip pitsaassusaata ilisimatusarnikkut misissuiffigineqarnissaanut aningaasaliisoqassasoq. Piffissartornassaaq, imatulli ajornartorsuussanngilaq. Atuartut ilinniartitaanerat annertigut pisortanit akilerneqartarpoq. Atit



pigaagut nassaarisinnaallugillu. Taamaattmik taakku ilaat misissuiffigisassat immikkoortillatsialaaginnartussaavagut kalaallisullu misilillugit. Taava ersarissumik takussavarput ullumikkut ilinniartitseraatsip sunniutai qanoq pitsaatiginersut. Takusinnaalerutsigu suut iluaqutaasut suullu iluaqutaanngitsut, taava aningaasaatigut nukigullu atorsinnaalissavagut annerpaamik iluaqusiisussamik.

Taamatut oqaaseqarluta oqallilluarumaartusi kissarpugut.